


Namakwa
toere



Avontuur na **ST LUCIA & DIE DRAAK**

Ervaar 'n onvergeetlike avontuur deur die ongereptheid van die Wildtuin, St Lucia en die majestueuse Drakensberge.



Toer Inligting



Vertrek: Pretoria

Eindig: Pretoria

Styl: Luukse busvervoer & Lodge Akkommodasie

Verwysing: STL7

2026 Toerprys: *R2 000 afslag per persoon tot 31 Maart*

Deeltarief (per persoon): ~~R35 500~~ R33 500

Enkeltarief (per persoon): ~~R39 500~~ R37 500

2026 Datums:

STL7/1: Do. 9 April – Sat. 18 April

STL7/2: Son. 17 Mei – Di. 26 Mei

Ingesluit:


9 nagte akkommodasie
Geregistreeerde toergids
Busvervoer
Toegangsgelde soos aangedui
Etes soos aangedui

Uitgesluit:

Middagetes
Footjies
Drankies

U paspoort moet asb SES maande of langer geldig wees.

Deposito van R6 500 (per persoon) betaalbaar 14 dae na bevestiging van bespreking. Balans betaalbaar 60 dae voor toer vertrek.



Avontuur na St Lucia & die Draak

10-dag reis deur die Kruger, Eswatini, St Lucia en die Drakensberge

DAG 1: Ons vra asseblief dat almal reeds vanaf 04:30 gereed sal wees sodat ons teen 05:00 reeds in die pad kan val. Vanaf Town Lodge – Menlo Park reis ons via Nelspruit na Malelane waar ons reeds die namiddag in die Kruger Nasionale Park 'n draaitjie gaan ry. Wanneer ons terugkeer gaan ons vir 2 nagte by Rio Vista Lodge oornag.

Ingesluit: Aandete

DAG 2: Na 'n heerlike ontbyt gaan ons die dag in die Kruger Nasionale Park spandeer. Ons sal by verskillende rusoorde stop om bene te rek tussen al die diere kyk deur.

Ingesluit: Ontbyt & aandete

DAG 3: Ons volgende stop is in die Koninkryk van Eswatini. Na ons vertrek uit Malelane, steek ons die grens oor. Van hier gaan ons na Hlane Royal Nasionale Park waar ons die aand oornag.

Ingesluit: Ontbyt & aandete

Toegangsfooï ingesluit: Hlane Royal Nasionale Park

DAG 4: Na 'n heerlike ontbyt vertrek ons weer terug na Suid-Afrika om buite Hluhluwe by Ezulwini Game Lodge te oornag.

Ingesluit: Ontbyt & aandete

DAG 5: Ná 'n fantastiese tyd by Ezulwini Game Lodge vertrek ons na St Lucia waar ons vir die volgende drie nagte gaan bly. Indien die tyd ons toelaat sal ons deur Hluhluwe-iMfolozi ry. Teen sonsondergang gaan ons as 'n groep, 'n bootvaart onderneem om die vele krokodille en seekoeie van die vleilande te sien.

Ingesluit: Ontbyt & aandete

Toegangsfooï ingesluit: Hluhluwe-iMfolozi

Aktiwiteit ingesluit: Bootvaart





DAG 6: Ons volgende hoogtepunt vir die toer is beslis die vleiland van iSimangaliso en Cape Vidal. Ons vertrek na ontbyt om die park, sy wildewe, besondere voëllewe en die kuslyn te gaan verken.

Ingesluit: Ontbyt & aandete

Toegangsooi ingesluit: iSimangaliso

DAG 7: Vandag geniet ons toerlede 'n dag af in St Lucia en kan rustig by die lodge bly, of aan aktiwiteite in die dorp deelneem ('n lys van aktiwiteite sal voorsien word).

Ingesluit: Ontbyt & aandete



Let asseblief daarop dat toegangsooi, soos aangedui onder daaglikse beskrywing, ingesluit is. Ons behou ook die reg voor om die program te verander indien nodig.

DAG 8: Ná nog 'n ontbyt vertrek ons na die land van die Draak. Die magtige Drakensberge met sy passe en natuurskoon is werklik iets om te aanskou. Ons oornag vir die volgende twee nagte by Hlalanathi in die noordelike Drakensberge.

Ingesluit: Ontbyt & aandete

DAG 9: Vandag lê ons besoek af aan die Royal Natal Nasionale Park.

Ingesluit: Ontbyt & aandete

Toegang: Royal Natal Nasionale Park

DAG 10: Vir die laaste keer op die toer geniet ons 'n heerlike ontbyt saam voor ons koers kry terug na Pretoria. Ons reis via die Sterkfonteindam en Herrismith om teen middag in Pretoria aan te kom.

Ingesluit: Ontbyt





Belangrike Inligting

Enkelakkommodasie is beskikbaar, maar daar is slegs twee kamers per datum beskikbaar. Kontak asseblief eers ons kantoor voordat u voortgaan met 'n enkelbespreking, sodat ons kan seker maak daar is 'n kamer beskikbaar. Stuur gerus 'n e-pos na info@namakwatoere.com of bel die kantoor by +27 (0)27 2191633.


Enkelkamers kan altyd na dubbelakkommodasie verander word indien u iemand sou wou saamnooi. Geen administratiewe kostes sal gehef word nie; slegs die dubbelfooi per persoon. Die verskil tussen enkel- en dubbelakkommodasie (indien reeds betaal) sal aan u terugbetaal word.

Wanneer u 'n vlug wil bespreek op dieselfde dag waarop die toer eindig, kontak asseblief die kantoor vir 'n tweede mening oor die tyd wat u die vlug wil bespreek.

Ons help graag met vlug besprekings asook betaling van die vlugte – kostes R250 pp vir bankkoste en administrasie fooi. Hierdie vlugte sal bespreek word na ons deposito ontvang het. Die kostes van vlugte asook die R200 per persoon is ook onmiddelik betaalbaar na bespreking voltooi is en u die kaartjies ontvang het. Neem asseblief kennis dat ons nie vlugte teen u goedkoper tarief kry nie, daarom is u welkom om alle vlugte self te bespreek.

U paspoort moet asb SES maande of langer geldig wees.

Ons by Namakwa Toere doen ons bes om die toerprogram so stiptelik as moontlik te volg, maar indien onvoorsiene omstandighede opduik, kan ons die toerprogram aanpas soos nodig. Ons dra altyd ons toerlede se beste belange op die hart ten einde aan hulle 'n onvergeetlike vakansie te bied.





Padtoestande en Infrastruktuur

Die paaie in en deur Suid-Afrika en Eswatini is baie keer in 'n swak toestand, wat baie swaar druk op ons voertuie plaas. Ons het baie vertroue in ons voertuie en ons maak seker dat ons alles in ons vermoë doen om te verseker dat alles goed verloop. Ons kan ongelukkig nie alle onbeplande situasies voorkom nie. Baie van die paaie wat ons ry, is ongeteer, vol slaggate en nie juis die gemaklikste roetes nie. Ons weet dit kan vermoeiend raak, maar die paaie lei ons op die ou einde na ongelooflike plekke.



Mediese Inligting

Reisigers, oud en jonk, word versoek om in 'n goeie gesondheidstoestand te wees om ten volle aan die toer te kan deelneem. Ons verwag van alle toerlede om deeglik deur die program te lees en self te besluit of u aan al die aktiwiteite, soos in die program aangedui, kan deelneem. As ons toergids en bestuurder dalk op enige stadium van die toer van mening is dat enige van ons toerlede nie meer aan 'n aktiwiteit kan deelneem nie, behou ons, die reg voor om u van die aktiwiteit en/of die res van die toer – sonder enige terugbetaling – te verskoon. Die nodige dokumente sal deur ons kantoor verskaf word om terug te eis van u reisversekering. Ons stel ook voor dat elke toerlid sy/haar eie noodhulpkassie met die nodige voorraad soos "rehydrate", ekstra leesbrille, karsiekmedikasie en ook diarreemedikasie saamneem.



Reisversekering

Ons beveel sterk aan dat u reisversekering uitneem vir u toer. Ons werk saam met TIC (Travel Insurance Consultants) en u is welkom om ons kantoor te kontak vir 'n kwotasie.

Drinkwater

As 'n reël aanvaar ons dat alle water wat uit 'n kraan kom, ondrinkbaar en nie geskik vir menslike gebruik is nie. Dit mag minerale en bakteriëe bevat waaraan u gestel nie gewoond is nie. Dit kan tot ernstige ontsteltenis, ongerief en siektes lei. Dit kan sonder twyfel u hele toer versuur. Omtrent al die fasiliteite waarvan ons gebruik maak, verskaf veilige drinkwater op 'n daaglikse basis. Bring gerus 'n waterbottel saam wat ons beslis vir u gaan volmaak.



Hoekom saam met Namakwa Toere?

- Ons is 'n familiebesigheid en is reeds sedert 1985 in die toerbedryf.
- Ons toergidse is van die bekwaamste, hulpvaardigste en vriendelikste gidse wat u ooit sal teëkom.
- Elke toerlid se persoonlike behoeftes vir 'n toer word persoonlik deur ons opgeleide personeel hanteer.
- Daar is geen gejaagde toerprogram nie! Ons busbestuurder is saam met u met vakansie en is nooit onder druk nie.

Wat gebeur as Namakwa Toere die toer kanselleer?

- Die toer is onderhewig aan 'n minimum van 10 persone om plaas te vind.
- Namakwa Toere onderneem om sover moontlik, geen toer te kanselleer nie. Indien dit ooit sou gebeur dat ons 'n toer moet kanselleer, is ons bereid om al die geld wat u reeds betaal het, oor te dra na enige ander toer van u keuse of na die daaropvolgende jaar (uitsluitend die nie-terugbetaalbare deposito en bankkoste).



Hoe bespreek ek?

- Wanneer u besluit om te bespreek, vul die besprekingsvorm in en stuur dit na info@namakwatoere.com. 'n Skakel na die aanlyn besprekingsvorm is ook beskikbaar.
- U sal 'n toerverwysingsnommer tesame met Namakwa Toere se bankbesonderhede ontvang. Hierdie verwysingsnommer moet asseblief ingesleutel word by 'begunsdigde verwysing'.
- Na ons u bespreking ontvang het sal ons die reëlins tref soos aangedui in u vorm.

Hotelverblyf voor of na die toer

Town Lodge – Menlo Park – Pretoria – Vertrek 05:00

(2 **)

Enkelkamer: R2 095

Dubbel/Twin-kamer: R2 330

Ontbyt: Volledige ontbyt ingesluit (07:00-10:00) – ontbytpakkies is beskikbaar op aanvraag

Middag- en Aandete: Beskikbaar op aanvraag

Pendeldiens: Vanaf R600 per rit

Parkering: Gratis

WiFi: Gratis

Tel: (012) 348 2711



Alle akkommodasie moet deur Namakwa Toere se kantoor gedoen word om te kwalifiseer vir tariewe soos aangedui.

Vlugte: Kontak ons vir pryse en tye

Reisversekeing: Kontak ons vir 'n kwotasie

Kontak ons kantoor vir die besprekingsvorm of vir die aanlyn besprekingsvorm



Gesels met ons!



027 219 1633



info@namakwatoere.com



066 385 4653



www.namakwatoere.com



www.facebook.com/namakwatoere



@namakwatoere



@namakwatoerenamaquatours6758

